



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Dei Immortalis In Corpore Mortali Patientis Historia**

**Stanyhurst, Guillaume**

**Coloniæ Agrippinæ, 1694**

§. III. Illuditur.

[urn:nbn:de:hbz:466:1-49178](#)

268

De Christo paciente

Pſ. 118. tabat servus tuus, cùm diceret: *Conſige timore tuo carnes meas.* Hac spinâ timoris cōſige carnes meas  
20. ut poſtea roſis amoris corones animas noſtras,

§. III.

Illuditur.

**E**xpectatis in hoc ultimo punc̄to ut tertius affectus, Pudor, in theatro crudelitatis, agat ſuam personam? Sed, ut video, venit non inco- mitatus, neque ſolitarius: ſtipāt latuſ hinc dolor, inde amor. Hæc enim illum pati, nō tantū fuit inſignis pudor, ſed acutissimus dolor; nec tantū dolorem ſuſtinuiſſet, niſi Amor ſuſpeditāſſet & vires, ut poſſet; & animos, ut vellet tanta pati. Sed loquatur Evangelista: *Et poſuerunt arundinem in dextra ejus, & genuflexo ante eum illudebant ei dicen- tes: Ave Rex Iudaorū. Et expuentes in eum, acceperunt arundinem, & percutiebant caput ejus.*

Romani milites à Judæis mercede conduci ad exercendas omnes vires acerbitatis & imma- nitatis in Christum, postquam ornāſſent caput spineo diademate, manus fragili arundine humeros lacero murice, ne quid deesſet ad ludici Regis opprobrium, ſannis ei illudunt, in faciem expuunt, caput percutiunt. Quantus pudor! Eū, qui eſt primogenitus omnis creature, despici ut noviſſimum virorum? illum, in cuius magnificenſiſſimi paludamenti augustā orā adamantino chara- ētere scriptus eſt ille plenus majestatis titulus: *Rex regum, & Dominus dominantium;* hīc ab impudoratis ſannionibus & vernis cum ſcommate ſalutari: *Ave Rex Iudaorū?* Illum, qui appendit tri- bus digitis molem terra, manu tenere arundinem?

Flexo

Coloff. 1.  
15.

Apoc. 19.  
16.

Isa. 40.  
12.

Flexo genu à spuriissimis sycophantis per ludibrium adorari, coram quo flebitur omne genu? Illam faciem conspui à petulantissimis nebulonibus, quam vel vidisse salus est videntis? Comitabatur Pudorem dolor; hic enim illi occurrebat quocunque oculos flebant. Absentia & præterita respiciebat: Illic videbat Martrem, cuius magna erat velut mare contritio, nec erat qui eam consolaretur: sciebat se à Juda proditum, à Petro ter negatum, ab Apostolis desertum, à militibus captum, à Scribis falso accusatum, à Judæis illumsum, ab Herode spretum, à Sacerdotibus rejetum, à Romanis flagellatum, à Pilato condemnatum, ab omnibus derelictum. Aspicit præsentem statum; O quantus hic dolor! Conjectus in fœdum domūs angulum, insidet duro & frigido saxo, præ frigore contremiscens, undique lacer, & totus cruentus; patent undique vulnera, caput pungitur spinis, oculi fluunt lacrymis, frons perfunditur cruento, vultus illimitur spinis, corpus percutitur arundine, manus vincet sunt funibus, capilli evelluntur à militibus, ab omnibus illuditur, à nemine cognoscitur, & ita, ut peripsema rotius mundi, ut opprobrium hominum, ut abjectione plebis, ab omnibus contemnitur. Si futura prospiciat, videt gentem suam dilectam, totamque Synagogam exultantem ob suam mortem; videt parari immane crucis trabem, clavos, malleos, sebinos inter latrones inaudito cum dederare deducendum ad montem Calvariae, affigendum cruci, detidendum ab adstante populo, à Patre deferendum, atque illic inter ultimos cruciatus se moritum. Itaque quocunque oculos circumfert, ad præterita, præsentia, futura, undique circumdederunt eum dolores mortis. Si unquam,

Christi  
dolor.

**Isa. 33.3.** quam, nunc verè ei convenit ille titulus; *Vir dolorum.* Videor jam audire Christum tacite alloquē-

**Mich. 6.** tem his verbis populum sibi dilectum: *Populi meus, quid feci tibi, aut quid contristavi te?* Nonne dicit:

**Chrysol.** (ait Chrysologus) *Sed divinitas ignota est, vel caro su-*  
**serm. 108** *nota;* videte, videte in me corpus vestrum, membran-

*stra, vestra viscera, ossa vestra, vestrum sanguinem. Et si*  
*quod Dei est, timetis: quare quod vestrum est, non ama-*  
*tis?* Quomodo potuisset Dei Filius plus amare  
hominem, & plura pro homine pati, si quilibet  
homo tanto Christi arsisset amore, quanto sa-  
premus in cœlo Seraphinus? Contrà, quomodo  
potuisset plus odisse Filium Dei homo, et si ho-  
minini omnia mala intulisset, quæ dæmon ipse et-  
iam inferre optat? Hoc triste spectaculum, vivù  
hominis funus, animatum Dei cadaver, quod  
totam rerum universitatem in suū commovit  
commiserationem, peccator otiosus, siccis oculis,  
nec semel mutato colore intueris? Nulla tibi  
præ pudore rubet pars genarum nullum præ timore  
tremit membrum? nulla præ amore stillat ex o-  
culis lacryma? nullus præ dolore erumpit è pe-  
ctori gemitus? non tantum eorum, quæ com-  
missisti pœnitenda, te non pœnitet; sed & nova co-  
gitas scelerata, ut nova infligas vulnera? non me-  
tuis illius è cœlis justitiam, cuius in terris despi-  
cias clementiam? nimis rūm hoc tibi proprium est,

**Christi clemen-** Jesu, semper misereri, & parcere, diligere inimi-  
tia. **clemenc-** cos tuos, orate pro persequentibus te, orare pro  
his qui oderunt te. Hæc tua est indoles, ô Jesu,  
lavare pedes illius qui te vendit, osculati qui te  
prodit, sanare auriculam ejus qui te capit, igno-  
scere ei, qui cum juramento te negat: percuti, &  
non repercutere, accusari, & silere, flagellari, &  
pati; denique omnibus semper, & ubique bene-  
face.

facere, solius est Iesu. Agnosco tuam naturam, &  
ideo plus spero de tua Clementia, quam timeo  
Patris iracundiam. Perge misereri, o misericor-  
dia! donec te videam in gloria, ubi misericordias  
tuas in eternum cantabo. Ps. 88. 2.

## §. IV.

## Producitur coram populo.

**V**oluit qui latuerat in Praetorio, ex umbra in  
solem, e latebris in conspectum omnium  
prodire, ut suum proderet, & quo urebatur do-  
lorem, & quo accendebatur Amorem. Sic enim  
de eo Joannes: *Exivit iterum Pilatus foras, & dixit*  
*eis: Ecce adduco eum vobis foras, ut cognoscatis, quia in eo*  
*nulla causa invenio.* Stabat densum humeris vul-  
gus, & immensa Iudæorum multitudo extra Pi-  
lati Praetorium, expectans Christum foras à Pi-  
lato producendum. Quod cum sciret Pilatus, eo  
xivit iterum foras in Lithostrotum, & dicit con-  
fertissimæ hominum multitudini: *Ecce adduco eum*  
*vobis foras.* Jam saltem spero tanto ejus supplicio,  
factum satis vestro desiderio: sic enim illum cor-  
ripui, ut dignior sit misericordia, quam invidia.  
Si illum oditis, digna vestro odio sustinuit, illud  
ergo deponite: & quis in eo adhuc locus esse po-  
test vestræ invidiæ, ubi non est locus amplius ul-  
li, quam invidia optare potest, pœnæ? Si malus  
est: quidquid imprecari ei potestis, mali pertulit.  
Deinde adduco eum foras, ut cognoscatis, quia nullam  
invenio in eo causam, vel Romani imperii læsi, vel  
publicæ rei perturbatae, vel sceleris admissi. Nul-  
lam invenio noxiam, ob quam auferam ei vitam. centia  
Audivi quæcumque contra eum protulisti te- Christi.  
stimonia, quæcumque ei objecisti criminia; &  
illa quidem non leviter audivi, sed exactissime si-  
gula

Ioan. 19.